
ҚУВАСОЙЛИКЛАР “ЁШ ҚУТҚАРУВЧИ” ҲАРБИЙ-СПОРТ МУСОБАҚАСИНИНГ РЕСПУБЛИКА БОСҚИЧИДА ҒОЛИБ БЎЛДИЛАР

Гулистон шаҳрида умумтаълим мактаблари ҳамда касб-ҳунар мактаблари ўртасида ўтказилган “Ёш қутқарувчи” ҳарбий-спорт мусобақасининг Республика босқичида Фарғона вилояти вакиллари ғолиб бўлди.

Республикамиз вилоятлари ва Тошкент шаҳри вакилларида иборат жами 14 та жамоа иштирок этган мусобақада Қувасой шаҳар касб-ҳунар мактабининг “Халоскор” жамоаси ўқувчилари ғолибликни қўлга киритди.

Иштирокчилар бир неча босқичда ўзаро баҳслашдилар. Биринчи босқичда иштирокчилар фавқулодда вазиятлар ва фуқаро муҳофазасига оид саволларга жавоб беришди. Иккинчи босқичда жабрланганларга биринчи тиббий ёрдам кўрсатиш усуллари амалда бажаришган бўлса, учинчи босқичда махсус асбоб-анжомлар ёрдамида дарёни кесиб ўтиш ва палатка тиклаш ишларини бажаришди. Тўртинчи ва бешинчи босқичларда арқон ёрдамида махсус тугунлар тугиш, улар ёрдамида баландликка кўтарилиш ва эстафетали югуришда баҳслашишди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-05-29 18:40:13